

貞治
板

禪林類聚

十二

禪林類聚卷第十二

雍熙禪寺住持嗣祖比丘道泰天寧禪寺首座比丘智境集

遊山

馳書

緣化

應化

神異

因果

沐浴

偃息

遊山辭送附

佛陀波利尊者遊五臺山到忻州見一老人問師甚麼處
去師云臺山禮文殊去老人云六德見文殊還識麻尊者
無對

汾陽昭云今日慶幸

尊者到山下又見一老人問尊者何來師云西天來老人
云還將得佛真尊勝經來麼師云不將得來老人云空手



何益師遂回

明安云當初下得甚麼語得見文殊不回四天乃二但展兩手似伊

天台豐豆禪師欲遊五臺問寒山拾得云汝共我去遊五臺便是我同流若不共我去遊五臺不是我同流寒山云你去遊五臺作甚麼師云禮文殊山云你不是我同流翠巖之云大似辯才見蕭翼

無著禪師遊五臺逢一老人師問莫是文殊麼老人云豈有二文殊師纔作禮老人忽然不見

趙州代云文殊文殊天衣懷云無著只有先鋒且無殿後老人若不隱去有甚面目見無著性空云好彩是無著性空當時苦見暮面便唾且教這漢隱身無地

百丈海禪師侍焉祖游山歸忽然哭同事問云憶父母耶師云無云被人罵耶師云無云哭作甚麼師云問取和尚同事往問焉祖祖云你去問取他同事回至寮中見師呵呵大笑同事云適來為甚麼哭如今為甚麼笑師云適來哭如今笑同事固然

佛眼遠頌云一因思想一傷神不覺熱然笑轉新雲在嶺頭閑不徹水流澗下太忙生鼓山莊云世間名利

閑榮辱雲雨紛紛手翻覆悲歌相繼不堪論棒頭無眼黃梁熟徑山杲云有時笑苦有時哭悲喜交并暗催

促此理如何墮向人斷絃須得鸞膠續松源岳云哭不徹笑不徹但腹傾腸向君說父子非親知不知擡頭

腦後三斤鐵

南泉願禪師因座主來辨師問甚處去云山下去師云第一不得誇王老師云坐敢誇和尚師乃噴涕云是座主當時出去

石霜云不為人斟酌 雲居膺云非師本意 曹山云賴也 長慶稜云請領語 雲居錫云座主當時出去是會不會

南泉因僧辭去問師云學人到諸方有人問和尚近日作麼生未審如何祇對師云但向道近日解相撲僧云作麼生師云一拍雙派

歸宗常禪師因僧辭去師喚云近前來吾為汝說佛法僧近前師云汝諸人盡有事在汝異時却來這裏無人識汝時寒途中善為去

興善平禪師因洞山辨師云甚麼處去山云沿流無定止師云法身沿流報身沿流山云總不作此解師乃拈掌

保福展云洞山自是一家乃別云覓得幾人

洞安禪師有僧辭師云甚麼處去云本無所去師云善為闍黎云不敢不敢師云到諸方分明舉

龐居士一日問高峰云此去華頂有幾里峰云甚麼處去來士云可謂峻硬不得問著峰云是少士云一二三峰云四五六士云何不道七峰云纔道七便有八士云得也得也峰云一任添取士云不得堂堂道峰云還我恁麼時龐老主人公來士云少神作麼峰云好箇問訊問不著人士云將謂將謂

應庵云云發大機顯大用且炸電光石火疾激過盛云

須平地上峻崖孤峻處平坦着他一老深入虎穴透徹
淵源至於結角羅紋遊刃磅礴得大自在因其華頂峰
未曾到只如高峰云還我怎麼時龐老主人公來十二云
少神作麼歸宗向這裏擬著箇眼也要諸人瞥地良久
云竹影掃塔塵不動月穿潭底水無痕

趙州論禪師行脚時到一鄉院經旬日臨去乃辭院主主
云何往師云臺山禮文殊去主云某甲有頌相送頌云何
夏青山不道場遙須策杖禮清涼空谷縱有金毛現正眼
觀時非吉祥師乃問作麼生是正眼主無語

琅琊覺云啼得血流無用處 法眼代云請上座領茶
甲里情 同安顯代云是上座眼

趙州因僧辭語問甚處去云雪峰去師云雪峰忽問汝和

尚有甚麼言句汝作麼生道云却請和尚道師云冬即言
寒夏即道熱又問忽然更問汝畢竟事又作麼生僧無語
師又代云某甲親從趙州來不是傳語實真僧後到雪峰
峰問甚處來云趙州來峰云趙州有何言句僧舉前語峰
云須是我趙州始得

玄沙問云大小趙州敗闕也不知 雲居錫云甚麼處
是趙州敗闕處若檢點得出是上座眼

趙州因僧辭師問甚處去云關中去師云彼士上六馬監宜
須回避始得云向甚處回避師云恰好

汾陽昭頌云僧去關中路不遙報言軍馬鬧嘈問師
回避居何處恰好安眠日正高 佛慧泉云七陞歸路
日爭鋒回避須教不見蹤恰好藏身何處是青山雲外

萬一重 正覺逸云聞說閩中兵馬多叮嚀遊子等二
戈臨岐指箇藏身處無限雄師不奈何

長沙岑禪師遊山歸至門首首座問和尚甚處去來師云
遊山來座云到甚處處師云始隨芳草云又逐落花迴座
云大似春意師云也勝秋露滴芙蓉

雪竇顯云謝師答話 白雲端云大眾且道長沙在春
夏秋冬中不在春夏秋冬中要會麼一氣不言言有象
萬靈何處謝無私

雪竇頌云大地絕纖埃何人眼不開始隨芳草去又逐
落花回巖鶴翹寒木狂猿嘯古臺長沙無限意咄 上
方益云拂拂山香滿路飛野花零落草披離春風無限
深深意不得黃鸝說向誰 佛鑑勸云獨步曾無語逢

人口便開始隨芳草去又逐落花回薄霧篩紅日輕煙
襯綠苔若將詩句會埋没法王才

長沙僧問善財為甚麼無量劫來遊普賢身中世界不徧
師云你從無量劫來還遊得徧不僧云如何是普賢身師
云含元殿裏更覓長安

大慈寰中禪師因僧辭師乃問甚麼處去云江西去師云
將取老僧去得麼云非但和尚更有過於和尚亦不將去
師便休其僧後舉似洞山山云關黎爭合是麼道云和尚
作麼生山云得

汾陽昭代云知汝力微 法眼益別云和尚若去云云
提笠子 天童覺云大慈合伴不著這僧不如獨行也
須是忘麼始得直饒大慈古佛也不奈這擔板漢何且

道別有甚麼長處

道吾智禪師初參藥山山問甚麼來師云遊山來山云不離此室速道將來師云山上烏見白似雪水裏蓮白開不徹

石室道禪師因杏山問承聞行者游臺山來還見文殊麼師云見杏云道甚麼師云道你生身父母在深三真否山無對

茱萸禪師問僧聞黎為復持山翫水為復問道參禮僧云和尚試道看師云雕虫鏤蛤不參之泥勞君遠三三淨身是鐵猶被一橈師云降軍不斬

圓悟動云言前收句後殺峻疾不通風直饒釘著鐵舌也無啗啄處且道為甚麼如此非人得其便

古德頌云遊山翫水事尋常早晚歸來喜
鞋回首看數聲猿叫白雲鄉

丹霞然禪師因鄧隱峰到於山下見師乃問丹霞山向甚麼處云師指山云青巖巖地峰近前拈住云真只這箇便是麼師云真獅子兒一撥便轉

雲居舜云丹霞祇知衫穿不覺鞋綻
瀉山祐禪師因九峰慧辨師入嶺云某田楚這和尚千里之外不離左右師動容云善為

保福展云依稀似曲失前忘後

芙蓉訓禪師辭歸宗宗云向甚麼處去師云歸嶺中云示云子在此多年裝束了却來為子說些佛法師臨行却問訊宗云近前來師便近前宗云時寒途中善為師有省

仰山寂輝師問僧近離甚處云廬山師云曾到五老峯處云不曾到師云閣黎不曾遊山

雲明云此語皆慈悲之故有落草之談 為山秀云今人盡道慈悲之故有落草之談只知捉月不覺水深忽若雲明當時謹慎脅吻未嘗後人若為話舍然水母無目求食須假於蝦 黃龍心云雲明仰山只有受塵之心且無割城之意殊不知被這信一時領過黃龍今日更作死馬醫乃拈拂子度與僧僧擬接師使打 大瀉詰云仰山可謂光前絕後雲門雖然受綱宗要錯鑿天下衲僧爭奈無風浪起諸人還識這僧麼親從廬山來雪竇顯頌云出草入草誰解尋討白雲重重紅日杲杲左顧無礙石明已老君不見寒山子行太早十年歸不

得忘却來時道

仰山有僧來辭師以手劃一劃其僧不去師又劃一劃其僧乃去

翠巖芝云前為甚麼不去後為甚麼却去無會麼特為註破前一劃與後一劃總成兩劃

雲巖晟禪師因院主遊石室問師云汝去入到石室裏看為只恁麼便回來主無對洞山代云彼中已有人占了也師云汝更去作甚麼洞云不可人情斷絕去也

天皇覺云低頭矢却針開眼拾得線線無頭而豈公度云無穴以難穿到這裏纔為膠續絃須是洞山始得

洞山价禪師問僧甚處來云遊山來師云還到廬山云到師云頂上有人麼云無人師云你不曾到頂云云不到頂

爭知無人師云聞黎何不且住云某甲住則不樂云云
人不肯師云我從來疑著這漢

洞山辭雲巖巖云甚麼處去師云離和尚云云
云莫湖南去師云無巖云莫歸鄉去師云無巖云云
來師云待和尚有任處即來巖云自此云難得相見
云難得不相見

大隋真禪師因僧從五臺山來師問五臺山何似大隋山
僧問如何是大隋山師云老僧耳背高聲問來僧高聲問
如何是大隋山師云若千山與萬山

大隋因僧辭師問甚處去云峨嵋山禮普賢云師起拈
子云文殊普賢總在這裏僧畫一圓相拋於背後云長兩
手師云侍者將一貼茶與這僧

保福辰云若無後語笑他衲僧 雲門別云西公新頭

截臂這裏自領出去 五祖戒云六障不因一事不長

一智 雲寶顯云殺人刀活人劍具眼底拈取 焉山

秀云大隋茶非類趙州茶既不類趙州茶得之者少矣

這僧得之且有甚長處然不義之財於我如泥雲 天

童覺云識法者懼欺敵者云水中搥乳須是獨王

保寧身頌云柳標杖頭光閃爍錫羅襪裏口張雙眉橫

背負出門云好是無人敢駐留 古德云一輪明月照

瀟湘更不逢人問故鄉自是天涯慣為客任他猿鶴斷

人腸

雪峰存禪師辭洞山山問子向甚處去師云歸嶺云云山
云當時從甚路出師云從飛猿嶺出山云今曰還云云云

師云飛猿嶺去山云有一人不從飛猿嶺去遠識麼師云不識山云為甚麼不識師云他無面目山云子既不識爭知無面目師無對

琅琊覺云心麤者失

雪峰問僧甚麼處去云識得即知去處師云你是了事人亂走作麼云和尚莫捺汚人好師云我即不捺汚你云人吹布毛作麼生與我說來看云殘羹賤飯已有人喫了也師休去

雲明別前語熟著便作屎臭氣又代後語將謂是鑽天鷄子元來只是死水蠅蟆 雪竇顯出雪峰語云一死更不再活

雪峰因僧辭師問甚麼處去云禮拜徑山和尚去師云徑山

問你此間佛法如何你作麼生道云待問即道師便打却回問鏡清云這僧過在甚麼處便契棒清云問得徑山徹困也師云徑山在浙中因甚問得徹困清云不見道遠問近對師休去

東禪齊云那僧若會雪峰意為甚麼被打若不會又打伊作甚麼自道過在甚麼處鏡清雖則子父與他分析也大似成就其醜拙會麼且如雪峰使休是肯伊不肯伊

雪峰領徒南遊時黃涅槃預知諸策出迎抵蘇溪灘近師問近離甚麼處黃云辟支巖師云巖中還有主麼黃云竹杖敲師齋師遂出轎相見黃云曾郎萬福師展文夫禮黃作女人拜師云莫是女人麼黃又設兩拜遂以竹杖劃地石

遠師譙三而師云某甲是三界內人你是三界外人宜前
去某甲後來黃即先回師遂至止囊山慈數百黃供侍隨
行定衆一無所關

雪峰辭長子云子送出門召師師回首應諾云途口好
善為

雪峰因僧辭去乃云忽然到別處老宿問和尚有甚法言
教指示於人作麼生舉似師云汝還會我語麼云不會語
云且作添福

雪峰因玄沙辭師下山去乃云啓和尚人人自由自在某
甲如今下山去師云是誰與麼道沙云具足知與麼道師
云汝作麼生沙云不自由自在師云知

雪峰因下府中玄沙出接云道路不易且喜到來師云是

是沙云諾諾師云不是汝也難沙云本是某樣之所某
甲之能師云我知得汝也須向他道始得沙云諾諾他是
與麼

巖頭齋檀師辭德山山云子其麼處云師云暫無和尚下
山去山云子他後作麼生師云不忘和尚山云子憑何有
此語師云豈不聞智與師齊滅師半德智過於師方堪傳
授山云如是如是善自護持

一六童覺云德山尋常棒下不立佛祖洎乎到這時節得
恁麼老婆在然其養子之緣畢竟得後人檢責持伊道
智過於師方堪傳授拽拄杖罵春便打

巖頭因信辭師問其麼處去云入嶺禮拜雪峰云師云豈
逢石問巖頭如何但向他道近日在那在胡在住在公將三

文買箇黑老漢每日撈蝦撈蛄且恁麼過時似前話三三三三

似前話三三三三子得與麼快活不徹
上方益云許是窮鬼子為甚麼快活不徹不元道樂容
不如苦主人雖然如是而今且在活法上為得解脫亦
可知

海印信云且於湖畔撈蝦蛄不向滄溟釣巨鯨一葉
扁舟一簑笠閑眠坐任風濤 古德云三文要得一
直賢德規撈蝦在釣船查老未知窮鬼計看來不直半

文錢

北院通禪師辭洞山山問甚麼處去師云入嶺去山云善
為飛猿嶺峻好看師沉吟山云通闍黎師應諾山云何不
入嶺去師於此有省更不入嶺

睦州蹤禪師因僧辭師問甚麼處去云往徑山云師云忽
然有人問你作麼生道得一句語塞得伊口僧云某甲有
語師云去

棗樹禪師有僧辭師問若到諸方有人問你老僧法道作
麼生對他云待他問即道師云何處有無口底佛云只這
也還難師豎起拂子云還見麼僧云何處有無眼底佛師
云只這也還難僧還禪杖一巾而出師云善能袂對僧便
喝師云老僧不識子云用識作麼師敲繩杖三下

佛鑑勸云棗樹有口如啞這僧有眼如盲還禪杖一巾
敲軍之將敲禪杖三下弓折箭盡 大為智云末後一
著始到空關大用現前匪拘軌則棗樹卷舒自在這僧
轉變隨宜點檢將來俱欠悟在還知麼言猶在耳語不

重施

曹山本寂禪師辭洞山山云子向甚麼處去師云不變異
處去山云不變異處豈有去即師云去亦不變異

丹靈海頌云家家門掩蟾蜍月處處鷺啼楊柳風石謂
縱橫無變異猶如擲劍擬虛空

雲頂偈檀師僧問如何是學人自己師云遊山翫水

佛意泉頌云南嶽山前徑山後瀑布聲如雷震吼枯却
竺三露頂行踏破草鞋赤脚走 地藏恩云杖屨於下

步益苔擾擾勞生眼未開好是落化隨流水一時流出
洞中來 開福寧云遊山翫水事尋常且脫屣來尋欲

霜路破草鞋回首有數聲猿叫白雲鄉 無名子二學
人自己遊山翫水不知踏破草鞋忘却來時年幾

雲頂偈問不起一念還有過也無師云須彌山

五祖演云有時問着師僧或整一指或進一步或下一
喝或拂袖便云上座未在何故太平未嘗向二三月下

一箇雪向汝諸人在如有箇漢出來道老和尚莫七顛
入倒見今下也不是乃展手云了 應庵云雲門道

得不妨語當要且落在第二頭若是明泉即不然忽有
人問不起一念還有過也無只對他這等將一問來

洞山聰頌云不生一念豈通宗真偽分於一句由築着
眼光兼社口須彌當面作屏風 保寧真云高初塔前

立六年須更取眼落懸崖通身不損毫毛者天上人間
實敢埋 無盡居士云一念沉沉過有無且空拈出大

彌盧直饒玉兔金烏急宮殿巡遊落三途

雲西因僧辨師云你辨去那云是師云前頭江難過云一切臨時師云蘇盧薩師代前語云臨行不可無禮云也代後語云太麤心又云近日出世界不好又僧徒師下座把僧手云著幾錢僧無對師云你問我僧便問師云都不直半分錢師代云有甚麼信物送將來又云臨行
羅山閑禪師在天山送同行矩長老出山次師把拄杖向前一攢短無對師云石牛欄古路一馬勿雙駒後有僧墨似疎山山云石牛欄古路一馬生三寅

鼓山珪頌云不踏門前路春歸又一年
草碧連天 徑山果云出門捲手話公羨古路迢迢去
莫道却笑波心遺劍者區區空記刻舟時

鼓山晏國師與函山同一雪峰函山云與和尚圖行師云

輸也

保福展禪師與長慶遊山次師以手指雪峰舊院云教中道妙高峰頂莫只這裏便是麼應云是即是可惜許後舉似鏡清清云若不是孫公便見彌腰徧野小野

僧問鼓山只如稜和尚恁麼道意作麼生山云孫公若無此語可謂彌腰徧野白骨連山 雪竇顯云今日共

這漢遊山圖箇甚麼復云百千年後不道全無祇是少汾陽昭頌云因上高巖到頂頭僧人致問云圓同是即便是可惜許只恐同音別處遊 草堂清云八萬四千

非一一七金山內海滔滔妙高峰頂正如掌誰把長竿釣巨鼉 雪竇云妙峰孤頂草離離拓得分明个裏誰不是孫公辨端的彌腰著地幾人知 佛心云云攜手

相將與共行目前唯觀妙高山雲泥不隔來時路有真
見孫觸處看

洞山初禪師問雲水是人遊是甚麼人能到這頂頭師
云無是人能行無是人能執

同安察禪師一日遊山次大眾隨之師云皆前聖竹脚
黃花古人道真如般若同安即不然有僧云古人也好和

尚師云不食食香餌味可謂碧潭龍僧云諸方眼目不任陶
潛師云閉黎閉目中秋坐却笑月無光云塔前蓋竹脚

黃花又作麼生師云安南未伏塞北那降僧禮三師云各
稱普聞

圓悟勤云根基空實血脉貫通同安善擒縱意無這僧
解纜旗登鼓所謂如金鎖連環相續不斷云云

須菩提問

明招謙禪師行處時到象田欲去累辭不得師云某甲有
一問和尚若道得即不去若道不得莫妨某曰進途乃若
起布毛吹云古人意作麼生田無語師珍重便行

麻參

松源岳云象田無語坐斷天下人舌頭諸人還見明招
智明寬禪師因遊山回首座領眾出松行接座云和尚遊
山巖嶮不易師拈拄杖云全得這箇力座乃進前拿却拋
向一邊師放身便倒大眾遂進前扶起師拈拄杖一時趣

散回顧侍者云向你道全得這箇力
言龍南云明教然會起會倒不覺弄巧成拙

金逢志禪師問僧甚處來云東國來師云作麼生過得金

豁達虛空應萬機

慈明圓禪師依汾陽得旨後與同參大愚數人辭汾陽相讓不肯作參頭汾陽云此行不可以戒鵬推聽吾偈云天無頭吉州城外展戈矛將軍定馬林下過貧州城裏鬧啾啾師遽出班云楚圓何人敢受和尚如此記別即領衆作禮汾陽復祝之云吾在先師處親證三昧汝今已得宜往南方大興吾道師即造洞山寶和尚席終日面壁寶問達磨九年面壁意旨如何師云空腹高心寶翌日陞堂請師充第一座

慈明問僧行脚須知有行脚事作麼生是行脚事云知師云知底事作麼生云山高水深師云念汝遠來且坐喫茶僧云諾諾僧問行脚不逢之時如何師云釣絲紋水

雪竇顯禪師因曾學士解印後師送至越州住數日乃辭曾堅留師云歸山住持不忘學士此日曾云衲僧家愛把不定師云爭得到這裏曾無語師云已沐學士放辭曾云容出城相送師便退曾至客亭排果子茶湯師問學士自此一別甚處再得相見曾云長老何以對面忘却師云微僧心亦足矣時廣慧和尚復問師自此一別甚處與學士再得相見師云直是千里萬里於是取別曾云善為道路師云諾諾

揚岐會禪師送武泉常老出門乃問出門便作還鄉計到家一句作麼生道云和尚善為住持師云與麼則身隨寒影去脚大草鞋寬云和尚善為開田師云兔子何曾離得窟

雲峰悅禪師見遊山僧挾復負包而至者則容喜之見荷籠而至者乃擲頰云未也三十年後更乘馬行脚也

林泉禪師辭白雲慈光大師光門送扶師下云款款莫教躓倒師云忽然躓倒又作麼生光云更不扶也師大笑而退

谷隱儼禪師僧問千山萬水如何登涉師云舉步便千里

普寧顯禪師僧問萬水千山如何登涉師云青霄無間路到者不迷機

自巖上座因與數僧遊山迴僧問盡日遊山成得甚麼邊事師云困即喫茶

德山先禪師僧問華藏海中獨遊時如何師云海岸孤絕

處堂堂人不知云知後如何師云方見本來身
廣法源禪師僧問行脚不逢人時如何師云千年桃核云逢人時如何師云根生土長
佛日才禪師問僧甚處來云遊山來師云山中事作麼生云風颼颼地師云我即不然云和尚如何師云一回過水一回脚冷

東林顏禪師因侍圓悟遊山見園頭燒糞煙起悟問煙從甚處起師云從糞堆頭起悟休去

羅山侍巖頭遊山觀佛
東山慧遊山現蹟

藥山登山大笑現日
會通辭鳥窠現侍

洛浦辭臨濟現侍
汾陽率首座遊山現侍

三聖辭仰山現侍
臨濟辭黃檗現侍

承天樂首山觀杖

淨因侍投子遊菜園觀杖

法昌送百丈觀杖

龍潭辭汾陽觀杖

大禪佛辭歸宗觀杖

僊天同石頭遊山觀杖

藥山與雲巖遊山觀杖

石霜僧辭觀杖

雪峰送長生觀杖

藥山與道吾四人遊山觀杖

鄧隱峰辭馬祖觀橋

鏡清問靈雲行脚食

歸宗與南泉告別觀橋

涌泉送雪峰觀橋

慈明辭楊侍郎見

慈明辭李都尉見

雪峰送南際觀橋

馳書

南陽忠國師因西堂與馬祖馳書至師云汝師說甚麼法堂從西過東立師云祇這箇更別有堂却從東過西立師云這箇是馬師底仁者底作麼生云早箇呈似和尚了也保福展云西堂埋沒大師不少

國十欽禪師因馬祖遣人送書至書中作一圓相師發慈見遂於圓相中著一點却封回後忠國師問得乃云欽師猶被馬師惑

保福展云甚處是惑處作麼生得不惑去一靈寶顯云徑山被惑且置若將呈似國師別作箇甚麼伎倆免被惑去有老宿云當時坐却使休亦有道但與畫破若與麼只是不識羞敢謂天下老師各具金剛眼睛廣作神

通變化還免得麼靈寶見處也要諸人共知只這馬師
當時畫出早已感了也。王祖戒云兩彩一賽又云三
人指路擬何為。木滿詰云諸人還識馬祖徑山麼一
點水墨兩處成龍國師道欽師猶被馬師惑可謂千里
同風不見道手執夜明符幾箇知天曉。徑山果云馬
師仲冬嚴寒欽師孟夏漸熱雖然寒熱不同彼此不失
時節。忠國師為甚麼却道欽師猶被馬師惑還委悉否
無風何葉動決定有魚行。

佛印元頌云馬祖當時見徑山同風微露密機關無端
却被南陽老平地坑久似等閑。照覺總云被惑之言
事有由神交千里芥針投誰言解使雲通信我不然
石點頭。地藏恩云自南自北自西自東溪山雖異雲

月還同何事南陽老倒令人擾擾忽忽

南泉願禪師有書與茱萸云理隨事變寬廓非外事得
融寂寥非內僧乃問如何是寬廓非外萸云問一答百也
無妨云如何是寂寥非內萸云觀對豎色不是好手僧又
問長沙沙瞪目視之良久又進後語沙乃閉目示之僧又
問楚州州作也。蘇藝又進後語州以手拭口後僧舉似師
師云此三人不謬為吾弟子

佛鑑勲云南泉雖則養子之緣其奈憐兒不覺醜孫不
知三人一人有足無目一人有目無足一人足目俱無
雖然如是皆可與南泉為師為甚如此事理分明。承
天簡云此三人一人得皮一人得肉一人秦不取魏不
晉。南堂靜云好南泉父子大衆若具南堂即不然如

何是理隨事變。濯錦江頭濯錦時。桃花似錦柳如眉。如
何是望得理融。大湖三萬六千頃。月在波心說向誰。如
何是寬廓。非外遂拈拄杖倚左邊。如何是寂寞。非內却
拈拄杖倚右邊。云不要動著動著。便三十棒。

古德頌云。淡泊洋洋。膝上琴。包藏古意。亦何深。雲三有
月。西風急。落崖斷崖。秋水音。

伏牛在禪師與馬祖。馳書去。忠國師。魁志問大師。有何言
句。示徒師云。即心即佛。忠云。是甚麼語。語良久。又問。此外
更有何言。教師云。非心非佛。或云。不是心。不是佛。不是物。
忠云。猶較些子。師云。馬師即。怎麼和尚。此問如何。忠云。三
點如流水。曲似刈禾鎌。

雪竇顯向猶較些子。處便喝。又於曲似刈禾鎌處。乃云。

是甚麼語話也。好與一撥見之。不取千載難忘。大瀉
詰云。當時但呵呵。大笑復問國師。比間如何待云。三點
如流水。又呵呵。大笑。教他國師進。且無門退。亦無地。何
故入虎穴。捺虎兒。須是其人。

雲山禪師問僧。甚處來。云。西京來。師云。還將得西京主人
公書來麼。云。不敢。妄通消息。師云。作家師。信天然。有在云。
殘羹餽飯。誰人肯喫。師云。獨有闍黎。不肯喫。僧便作吐勢。
師喚侍者。扶出。這病僧。著僧便出去。

圓悟勤云。一往觀來。二俱作家。節節斯證。二俱落草。當
時若有箇解。截斷葛藤。不妨光前絕後。遂委惡麼。多麼
不如少實。大瀉智云。得底不全。得失底不全。得失
論之。半出半入。且道那箇得那箇。失假饒辨得。二人得。

失是非算來著甚死急

大隋直禪師因僧馳書辭師問云學人此去未審師將何
言到彼中師云好為通達再問臨岐參晚請師指示師云
無言卓歸

臨濟玄禪師為黃檗馳書往為山時仰山作知客接得書
便問這箇是黃檗底那箇是上座底師便掌仰山約任云
老兄知是一般事便休遂同去參為山為便問黃檗師元
多少衆師云七百衆為云甚麼人為導首師云適來已送
書了師却問為山和尚此間多少衆為云一千五百衆師
云太多生為云黃檗師兄亦不少

羅山閑禪師住大嶺時有僧辭往疎山師云我有一信寄
與疎山得麼僧云便請師多手控頭上却展云還奈何麼

僧無對僧後到疎山堂內舉次一僧云還會麼衆無對僧
云天下人不奈大嶺何

玄沙備禪師令僧馳書上雪峰峰上堂開紙見三幅白紙
乃呈示大衆云會麼良久云不見道君子千里同風信歸
巽似師師云山頭老漢踉過也不知

東禪齊云甚麼處踉過去的踉過師豈不會弟子意若
不恁麼會只如玄沙意作麼生若會便參取玄沙

五 衲戒出語云將謂胡鬚赤 黃龍南云雪峰不道無長

處既被玄沙識破直至如今雪不出 海印信云智與

師齊減師半德智過於師方堪傳授且欠一著在

開善諫云玄沙白紙垂奈文彩已彰雪峰既曰千里同

風何故不知踉過不見道養子莫教大大一作家賊

汾陽昭頌云故遣馳書達遠信不干文字示家風回不
却報玄沙語蹊過分明理更封 佛性泰云白紙三張
通信云展開千里却同風陽春轉入胡笳曲不是風吹
別調中 佛心才云踏翻釣艇承家業笑出塵花月正
圓地開天長三幅紙同風千里為誰宣 慈受深云玄
沙象脊眼睛烏白紙三番便寫書千里同風多錯會一
條拄杖兩人扶

長慶凌楚師無保福歸雪峰福問云山頭和尚或問上座
信在麼生祇對師云不避腥羶亦有少許福云信這麼
師云教我分付阿誰福云從長雖有此語夫必有恁麼事
師云若然者前程全自闍黎
金輪觀福師因雪峰院主有書來招師云山頭和尚

也長老何不弄入嶺一轉師回書云待山頭和尚別有言
解即入嶺有信問如何是雪峰見解師云我也驚
新建這師信辭師問甚麼處去云府下開元寺云師云我
有一信附與了寺主汝將得去不信云便請師云想汝也
不奈何

首山念禪師因石門遣使馳開書至師乃集眾於法堂
上使纔近前人事師約住云是洞上宗乘是雪峰家風使
云書密已載師云一不成二不是使無語師云且坐與茶
入安省禪師復問重重關鎖信息不通時如何師云待
到這裏信云到後如何師云彼中事在麼生
尋思與權師為保福馳書世王大傳宅王問這和尚尚近
已遠為人麼師云若道為人即已坐者不尚若道不為人又

居士傳云云何小道取一句待鐵牛能醫草不馬能醫
煙師云某甲借口喫飯王良父又問驢來馬來師云驢馬
不同途王云半得到這裏師云謝太傅領話

慈明圓禪師因與教明上座馳書至師接得書便問大略
來小路來明云和尚武道看便打一坐具師云瞎漢亂統
作甚麼明短一聲師便打

慈明因九峰專使馳書至師云玄沙寄白紙九峰何太切
勿使云亂嗙幽鳥語師云不行山下送半見泣咬人使云
日午打黃昏師便喝云欲觀前人先觀所使

慈明因章介二大師持李都尉書至與師師有書復於書
後畫兩隻脚脚上書二大師各寄都尉尉後以頌荅云黑
毫千里餘金柳示雙趺人天都不測珍重亦顯明

楊岐會禪師因萬壽先馳馳書至師問萬壽逢前獅子吼
當人返擲事如何僧云踣跳上三十三天師云與麼則雲
蓋直下覲也云草賊大敗師云更不弄勤且坐喫茶

楊岐因道吾供養主馳書至師問春兩霖霖無暫息不觸
波瀾試道看主云適來已通信了師云這箇是道吾屈那
箇是化主底主指云春兩霖霖師拈掌大笑云不直半分
錢主便喝師云這瞎漢向道不直半分錢又惡發作甚麼
主拈掌一下師云且坐喫茶

楊岐因龍興致老遷化僧至下遺書師問世尊入滅顯示
雙趺和尚歸真有何相示僧無語師植曾一下云善天善
天

圓上座與石門曉禪師馳書到李新馬宅將書與李李接

得言收在懷中却展兩手師亦展兩手空云碎
 雪寶顯種師與曾學之厚善相直准上問師何之師云將
 遊錢塘絕之西與登天台鴈蕩皆三靈隱天下勝處瑞輝師
 吾故人乃以書薦師師至靈隱三年陞沉衆中多言委使
 浙西訪師於靈隱無識之者乃檢林層物色求之凡三書
 問向所附書師袖納之云公意勤然行旅人於世無求敢
 希薦送哉曾公大笑珊深奇之

承天宗禪師行脚時為泉州栖隱和尚馳書到京師李駮
 馬宅相看李問因甚麼到京師云專為院門馳書李二道
 來德伸一問師云駮馬償得其種李便囑師云衣過一著
 李云再死不容師云三十年後有人舉在
 承天因瑞光專使馳書上師接書了拈拄杖問參頭四祖

不傳東土信少林護道何神光書且拈熟作麼生是瑞光
 家風使云師云在上師指云將頭不狂德帶累三軍云和尚
 幸是大人師云兩重公案且放過一著復問第二信你在
 瑞光多少時云和尚著忙作麼師云猶子猶子無異歡信
 無語師打一棒又問第二僧你為甚麼失却本道公驗云
 和尚惜得真使師云一狀領過且坐喫茶

五祖演禪師因四面專使文祥持誦法書至師於法座前
 接言拈起問專使云這箇是四面底闍黎底在甚麼處云
 驗云目前師云幾不問過乃陞座云大眾四圍長老有言
 對大眾前須當說過四面大漆掃帚師分半栴檀蓮峰下
 開熏炷我鼻孔且道為甚麼如此無你出氣息
 靈寶廣安禪師為佛性泰和尚在將山圓悟處通兩法言信

於法堂上接書謂二里持來不辱宗風公云云云云如何通
信師云觀面相三三更無面互悟云此是德山底作麼生是
上座底師云豈有第二人悟云背後底聲師便道書悟云
作家種客師云分付慈山師復到僧堂前書問許首座
知座問玄沙白紙此自何來師呈起書言是麼座引手
接書師縮却書云久默斯要不務速說云云云云王辛布一
覽座便喝師云作家座又喝師遂打一書言座擬議師云未
明三八九不免自沉吟座無語師又打一書云接時圓悟
同佛眼在法堂前見悟云好我首座死了也眼云言馬廝
踢有甚憑據師聞應聲云甚麼言馬廝踢正是龍象蹴踏
悟喚師來云我五百衆中首座你為甚麼打他師云和尚
也好喫一頓始得悟顧師眼吐舌眼云未在眼却問空手

把鉢頭步行騎水牛人從橋上過橋流水不流你作麼生
會師云云云如上所供並皆詰實眼笑云元來吳屋裏人
師至五祖自和尚處道書自問書裏說甚麼重師云又彩
已彰言云云云竟說甚麼師云富陽揮寶劍自云近前來
這裏不識數字師云莫詐欺自顧侍者云這箇是那裏師
僧者云此首座曾在和尚座下去自云恠得與麼滑頭師
云曾被和尚斃置來自將書於香爐上熏云南無三三三
沒多南師近前彈指而已自便開書

開書讀經師初讀曰信不契後讀大慧慧公師住三沙通
紫叢瑪瑙相言師自謂我參禪二十年無入頭處更作此
行決定不廢意欲無行友人宗元叱云不可在路便參禪
不得也云言與汝俱往師行在路泣云我一生參禪殊無

得力處今又途路奔波如何得相應去元云你但將諸方
參得底悟得底圓活大意與你說得底都不要理會途中
可著底事我盡替你只有五件事替你不得你須自家支
當師云五件事者何事元云有衣與飯何屎與尿拖管死死
路上行師云言下領旨不覺元手舞足蹈元云你這回方可
通些巖書送進吾歸矣元遂回

青原令石頭說書

慈明說書三楊內翰處

馮山書上一土山作相

大通書寄上世諫觀

夾山書至洛濱處

馮山附書并鏡表仰

陶師夫人家長惠回信

靈通至信上雪塗

馬祖令人馳書與玄沙

觀

雪峰令人馳書與玄沙

觀

緣化

大隋真禪師因一僧欲下山為衆化緣辭師云汝若道
得一句即放汝去若未然且歸堂休歇辦取自己事去師
乃問蓋十方空界是三老師檀越未審化甚麼人去僧云
但請和尚疏頭來便與師道師云汝且辦自己事去

龐蘊居士在汭洲市賣竹漚籬見一僧緣化乃將一文錢
問不辜負信施道理還道得麼若道得即捨僧無語士云
你問我與你道僧便攝前問士云少人聽又云會麼云不
會士云是誰不會

甘寶行者因在化主至宅乃問化主是甚麼主云藥山者云
還將得藥來麼云未嘗有甚麼病者忻然取銀一百兩施
之復云山中有人比物乃迎主尋歸藥山納疏山問于何

歸遠遠王即叙前問難山云急送還他子遭賊了也王及
送還者云山中有人更添一百兩施之

同安云早知行者與麼問終不道藥山

甘莫因有住庵僧緣化什物者云石道得即施乃書心字
問是甚麼字僧云心字又自問其妻是甚麼字妻云心字
者云某甲山妻亦合住庵其僧無語者亦無施

仰山叔禪師因施主送絹施馮山師云和尚受施主施是
供養將何業云馮師林示之師云和尚何得將衆人物
作自己用

羅山閑禪師因養泉州化主臨岐問化主太傅忽問大師
十二時中將何示待休作麼生祇對主無語師云但道騎
虎頭收虎尾第一句下明宗旨又問渠忽進語云此猶是

菩薩有言教菩薩無言教又作麼生主又無語師又代云
敵露機鋒如同電拂

禾山方云叢林中商量盡謂化主無語殊不知宛有陷
虎之機羅山恨不兩手分付爭奈從門入者不是家珍
諸人要識家珍麼良久云後五日看取

保壽一卅禪師因先保壽問父母未生前還我本來面目
來師立至深夜下語不契翌日辭去壽云汝何往師云昨
日蒙和尚設問某甲不契往南方參知識云壽云南方禁
夏不禁冬我此間禁冬不禁夏汝且作街坊道夏若是佛
法闍闐之中浩浩紅塵常說正法師不敢違一日街頭見
兩人交爭揮一拳云你得恁麼無面目師當下六幅走見
先保壽未及出語壽便云你會也不用說

五祖演云若人於此知落處可謂公辦私辦六衆聽取
一頌甚妙也世妙於此知性命劈鼻與一拳當時便打
正 南華曷云一拳打就無面目碧眼胡僧觀不足秋
來黃葉落紛紛六六翻成三十六 枯木成云用此東
西是處遊更添歸去月如鉤春風一陣花狼籍不覺思
量暗點頭 佛性泰云一拳拳倒黃鶴樓一場踢翻鷓
鴒洲幸有倭人為著力自家端坐看揚州 夢庵信云
開市相逢兩六識面目無來太費力粉骨碎身未足酬
一句了然超百億

雲門偃禪師僧問如何是大施主師云對機不辨
首山念禪師因化主問學人與麼去時將何事受師云文
手奉須德譽似吳沈吟云怎麼還當也無師云物逐人與

云今日點茶當為何人師云去此無消息無心永莫回
慈明圓禪師問化主入靈化導即不問你入門一句作麼
生道主便喝師云亂喝作甚麼主又喝師便打
湖南護國僧抄化次有官人問既是護國唐家三日前社
稷何在僧無語

保寧勇云一朝天子一朝臣

招福禪師僧問東牙馬牙皆出隊和尚為甚麼不出隊師
云任持各不同聞黎爭得恠

楊岐會禪師因供養主問雪路漫漫如何化道師云霧鎖
千山秀迤邐問行人云忽有人問楊岐意旨示等如何舉
似師云大野分春已巖前凍未消僧畫一圓相云忽遇與
麼人來又作麼生師乃列轉面僧擬議師便喝云空處

去也僧作女人拜師云歸來與你三十棒

洞山聰禪師送化主示衆云住持之事勞他十方高人且實際理地不受一塵佛事門中不捨一法蓋為清衆之故所以忘勞盡大地作箇餅天下人盡得喫唯有深沙神不得喫怒發將痰梨棒打一棒瓦解冰消

黃龍南禪師在歸宗日因化主回示衆云有五種不易一施者不易二化者不易三變生為熟者不易四端坐與者不易且道第五不易者是甚麼人良久云灑使下座時翠巖直和尚為首座藏主續問第五不易是誰真云腦後見腮莫與往來

雲居舜禪師自洞山如武昌行乞首謁劉公居士家居士高行為時所敬意所與奪莫不從之師時年少不知其飽

參頗易之居士云老漢有一問上人語相契即開疏如不契即請却還遂問古鏡未磨時如何師云黑似漆士云磨後如何師云照天照地居士長揖云若恁麼上人且請還洞山拂袖入宅師憐憫即還洞山山問其故師具言其事山云你問來我與你道師理前問山云此去漢陽不遠師進後語山云黃鶴樓前鸚鵡洲師於言下大悟

法昌遇禪師因寶峰化主至喫茶了師云我無可捨施只有一箇瓢子送你乾繞接師云你且道寶峰還有麼乾云有師云若有何須更要乾云唯多不才師云你也只作得化主云有頭無尾得人情師云自是你無這手脚乾遂掣去師云停囚長智師送乾出二門云回到寶峰為我傳語夾邵武乾云顛言倒語作甚麼師云不因你祇對泊合

志却雖然如是他時悟去始知我老婆心

五祖演禪師出隊歸示眾云出隊半箇月眼不見鼻乳尖却祖師禪捨得箇骨董且道向甚處著一分奉釋迦牟尼佛一分奉多寶佛塔

徑山杲云徑山法孫出隊八十餘日鼻孔長與眼睛相見亦無祖師禪可失亦不曾捨得骨董既無骨董則無以奉釋迦牟尼佛亦無以奉多寶佛塔畢竟得箇甚麼夜靜水寒魚不食滿船空載月明歸

雪竇禪師因見二化主自城中歸師問必憑箇甚麼入城教化衆生僧云雖有好心且無好報二僧云禍不入眞家之門師云近火先焦
雪竇綠化見着學士現時
牛頭往丹陽緣化觀醜
雲峰乞食乞炭觀醜

應化

泗州僧伽六士世謂觀音應化也唐高宗時至長安募於泗州欲建精舍因宿民賀跋氏家師云此古寺也即今掘地得古碑云香積寺李龍建所創又得金像曰普光佛因以爲寺額景隆二年帝遣使迎至輦轂深加禮重請住大薦福寺帝及百官咸稱弟子御書寺額普光王寺後入滅勅令就薦福寺布漆全身起塔忽臭氣滿城帝祝送師歸臨淮言訖異香騰馥乾符賜謚證聖大師

天台豐干禪師不知何許人居國清寺剪髮齊眉布素自若人問佛理只答隨時二字誦唱道歌乘虎入松門衆皆驚畏肩有菩行寒山捨得執爨終日晤語清聽不解時謂風狂獨與師親問答語觀醜尋獨遊臺山後復回天台

示滅

寒山無俗姓氏始豐縣西七十里有寒山巖以居止得名
容貌枯悴襦衣零落披皮為冠脚曳木履時來國清就拾
得取眾僧殘食菜滓食之或廊下徐行或叫喚空護罵
羣僧鞭逐翻身拊掌大笑去雖出言如狂而有意趣豐干
入滅後閣丘侍郎訪之見寒拾二人圍爐笑語丘便拜二
人連聲咄叱寺僧驚曰大官何拜風顛漢也寒山乃執間
立手云豐干饒舌久而放之自此二人出松門更不入寺
丘一日再謁於巖送衣服藥物二人喝之入石罅中忽然
石合墮立哀慕不已令僧道翹集詩三百篇曹山曰寒

山詩

拾得始因豐干於赤城道側得之攜至國清謂典座云或

人認之必可還也因名拾得後沙門靈僧攝受令知食堂
香火一日登座與師對盤而食因乃罷其土務令只滌器
常日齋畢浴瀝食滓以筒盛之寒山來即負去一日掃地
寺主問語見姓有伽藍神祠每日獻食為烏所啗拾乃搗
之云食尚不護安能護伽藍至夕神夢于闍寺僧云拾得
打我詰旦諸僧說夢符同一寺紛然謀本州縣郡符至云
賢士隱道吾陸應身宜用旌之號拾得賢士

明州布袋和尚未詳姓氏形才脹腰紐來通衢關市或問
在此何為答云等閒人來云人來也答云汝不是這箇人
或解布袋百物俱有或拈起示人云這箇是寒山也院底
或於袋探果子與僧僧擬接師乃縮手云汝不是這箇人
或見僧行過乃拈首一下僧回首云云云云云云云云云

倚布袋終日憨睡或起行市肆間小兒譁逐之或三或
或數珠與兒戲有僧問如何是祖師西來意遂擲下布袋
义手而立僧云只此別更有在乃提布袋肩負而去
保寧真頌云咄這憨皮袋肩囊眼大終日在街頭市
行無買賣呵呵歸去來與錢還却債 佛慧泉云拈
起即行放下便歇瞌睡阿師弄巧成拙信意祖意寧知
裙子褊衫百結有時獨立兮誰是知音歸去來一天明
月 圓通秀云千般萬樣有誰能會瞌睡老僧收拾滿
袋心無諸受觸處三昧巷尾街頭貴買賤賣

金陵諫公和尚出家此道林寺居無定處無時髮
長數寸徒跣執錫杖頭擲剪刀天銅鑿式一二十斤數
日不食無飢容歌吟如識記士庶咸喜之

收付建康獄人復見其入市及檢獄如故建康令以事聞
帝遂延於宮中之後堂忽一日重著三布帽俄豫章王文
惠太子相繼薨武帝尋厭世由是禁師出入梁高祖即位
下詔勿得復禁

誌公問一林僧承聞尊者喚我作屠兒曾見我殺生麼云
見師云有見見無見見不有不無見若有見見是凡夫見
無見見是聲聞見不有不無見是外道見未審尊者如何
見僧云你有此等見耶

汾陽昭代云不枉西來 涂毒策云誌公黠兒落節尊
者不枉西來遂拈起拄杖云有見無見不有不無見以
拄杖一串穿却還會麼莫將毒藥重增病拋向洪波浩
蕩中卓拄杖一下

雙林善慧大士發之義烏人十六娶劉氏女妙光生二子二十四於稽亭浦撻魚獲已沉籠水中祝云去者適止者留人皆曰愚會天竺高頭陀謂云我與你毘婆尸佛所發願今兜率天宮衣鉢尚存何日當還因命臨水觀影士即見圓光寶蓋乃笑謂云爐鞴之所鈍鐵尤多良醫之門病者愈甚度生為急何思彼樂嵩指松山頂云此可栖矣士乃躬耕而居日常傭作夜則行道見釋迦定光金粟三如來放光襲其體謂人云我得首楞嚴定當捨田宅設無遮大會續唱賣妻子獲錢五萬以營法會梁高祖聞之詔入內問所從來師是誰士云從無所從來無所來師事亦爾異日復請講金剛經大士登座執拍板唱經成四十九頌後懸知高頭陀入滅乃謂衆云嵩公兜率待我來不可久

留也於是入滅年七十三

萬回法雲和尚號州閩鄉人弱齡笑傲如狂鄉黨莫測忽一日令家人掃灑云有勝緣客至是日三藏自西國還訪之師問印土風境了如所見焚香作禮圍繞稱是菩薩有兄萬年久在征遼左母思其信音師云甚易耳乃告母而往至暮而還及持至元書鄰里驚異後高宗召入內時有扶風僧蒙傾者甚多靈跡先在內庭及師至乃云嘗到當去迨旬而傾師後卒於長安年八十制贈司徒魏國公

蜆子和尚混俗閩川居無定所日以沿江岸採拾蝦蜆充腹夜宿東山白馬廟紙錢中華嚴休靜禪師欲決師直為一夜潛入紙錢中深夜師歸靜驚攔問住云如何是相師西來意師云神前酒臺盤靜乃奇之

○晉化和尚因臨濟院有齋河陽木塔乃同惠濟在僧堂內
坐纔說及師每日在街市掣風顛知他是此是聖師云行
乘與問過須臾師入來濟便問普化是凡是聖師云行道
我是凡是聖濟便唱師乃指兩尊宿云河陽新婦子不孝
老婆禪籠海小厮兒却具一隻眼濟云這賊師叫一賊賊
便走出

海印信頌云騏驎駑駘辨者稀淺深毛色共同之若其
伯樂垂精鑒千里追風不易騎

酒德賢和尚自龍母球禪師處發明心印後唯事飲酒初
自錢塘歸執鐵錘路見瓦甓即擊之問所謂師云世路不
平故碎之耳自此靈異非一凡經酒家退則巫客常滿以
是日常伺至聽其所需將頌世姓其家云平時飲汝酒今

酬爾直可富三世因見石曰遂嘔而幕之云閱三日可開
三日啓封結如鷄子乃酒黃也是歲疫盛服者皆愈其家
遂富郡人有疾就師覓符不與者不救符後書陳僧二字
一日凌晨浴罷就室合掌右舉左張其口而化

南安巖巖尊者嘗居黃石巖及盤古山皆蛇虎窟師至乃
為使令人以兩錫男女禱者輒應比戶像而事之顯應非
一凡所述作若隱語於後題贈以之中四字師服餉純白
謂首以不跡既著所屬聞於朝詔甚嘉之丞相參政以下
獻詩師置之不視一日集眾云汝等當知妙性廓然本無
生滅示有去來更疑何事吾此日生今正是時遂乃吉祥
而化

知足華道者世務農母孕二在餽父曰問生於林下置於

河師云無冰我是時紅光燭天能語往事三歲起跌坐反
長圓梵相覆體止一衲祁寒隆暑莫能侵日食或倍二十
人不飽水漿不入口二三月不飢一卧必三載每告人言
凶不差毫釐夜居如蘇天平寺緇素具從有問佛法不答
請偈則大書此且以示政和中奄然而逝闍維其胃腸瑩
徹若琉璃骨碧者如玉膏者如金舍利無數蓋所化地為
塔及三尺得紫石函上題云知足道場眾益異之
洞山聰禪師僧問既是泗州大聖為甚麼在揚州出現師
云君子愛財取之有道

慈明圓頌云泗州忽示現揚州天下宗師誰路獨君子
愛財取有道南海波斯鼻孔籠

仁宗問言法華國嗣

見隋王門

福巖三僧不肯搬柴親柴

神異

世尊因五通偈人間世尊有六通我有五通如何是那
一通佛召云五通偈人五通應諾佛云那一通你問我

雲貴顯云老胡元不知有那一通却因邪打正 琅琊

覺云世尊不知可謂因正而打邪五通因邪而打正

翠巖之云二通如是問世尊如是答要直不會那一通

雲峰悅云大小瞿曇被外道勘破了有傍不甘底麼出

來我要問你作麼生是那一通 雲蓋本云世尊如是

召五通如是應作麼生是那一通良久云姓女已歸霄

漢去獸郎猶在火邊蹲

保寧竟頌云無量劫來曾未遇如何不動到其中莫言

佛法無多子最苦瞿曇那一通 雲溪恭云問佛如何

那一通世尊當面指迷蹤祥雲裏密微微兩六爰當音
而地風 長靈卓上云汝問如何此問親嶺梅江柳共芳
春抱賊不用行搜檢已自當堂露賊身 王覺逸云那
一通你問我今人慚愧釋迦者只知步步踏紅蓮不覺
茫茫入荒草 佛印元云僊人一間通皆倫却是瞿曇
一物無喚得免來依舊放幾多山鬼暗相呼
世尊因着婆娑善別音響至一場間見三箇驢驘乃敲一獨
驢問者婆娑此生何處婆云此生人道又敲一云此生何處
婆云此生天道世尊又別敲一問此生何處婆云知生處
塗毒策頌云如來一擊少人知直下分明更是誰無限
月光隨水去片雲偏向故山歸
殃崛摩羅未出家時事外道受教為僭尸迦欲登王位用

千人拊指為花冠所得九百九十九唯欠一指遂欲殺母
取指時佛在靈山以天眼觀之乃化作沙門在殃崛前殃
崛遂釋母欲殺佛佛徐行殃崛急行追不及乃喚云瞿曇
住住佛告曰我住久矣是汝不住殃崛聞之心忽開悟遂
棄刀投佛出家佛即授與落髮披衣

佛燈珣頌云急行緩步無前後渾踏長安路一條殃崛
忽然知住處便能平步上雲霄花冠不用娘生指髮髮
盪煩費力搖好是移花兼蝶至等閑買石得雲鏡 疎
山如云殃崛雄雄方勇銳瞿曇在住息風波殺人作佛
當頭剗覆兩翻雲在刹那

殃崛摩羅因持鉢入城到一長者家值其婦產難長舌告
云沙門是佛弟子有何方便救得我家產難殃崛云我作

入道未知此法當云問佛却來相報乃還返白佛具陳上
事佛告云汝速去說我自從賢聖法來未曾殺生殃福依
佛所說往告長者者婦聞之當時分免母子平安

覺海元頌云聖法從來不殺生本無生殺巨精明是諸
人我皆空相一切究親盡假名甘露繞露除熱惱玉蓮
金子兩敷榮 鼓山珪云月裏姮娥不畫眉只將雲霧

作羅衣不知夢逐青鸞去猶把花枝蓋面歸 徑山杲
云華陰山前百尺井中有寒泉徹骨冷誰家文字來照
影不照其餘照斜領

那吒太子析肉還母析骨還父然後現本身運大神力為
父母說法

佛眼遠云肉既還母骨既還父用甚麼為身學之道到

這裏若見得去廓清五蘊吞盡十方乃為偈曰骨還父
肉還母何者是身分明聽取山河國土現全軀十方世
界在裏許萬劫千生絕云來心僧此說非言語 徑山
杲云骨肉都還父母了不知那箇是那吒一毛頭上翻
身轉一一毛頭酒不差

八祖佛陀難提尊者因九祖伏獻密多已生五十二未嘗
言足未嘗履履纔見祖便行七步乃云父母非我親誰是最
親者諸佛非我道誰是最道者祖云汝言與心親父母非
可比汝行與道合諸佛心即是外求有相佛與汝不相似
欲識汝本心非合亦非離伏獻乃作禮其父遂令出家
十二祖馬鳴大士問迦里摩羅云汝盡神力變化若何羅
云我化巨海極為小事祖云汝化性海得不云何謂性海

我未嘗知祖即為說性海云山河大地皆依建立三昧六
神這由茲發現塵羅得聞遠發信心三千徒衆俱求剃度
二祖可大師在香山宴坐寂默中倏見一神人謂云將欲
受果何滯此即大道匪遙汝其南矣翌日覺頭痛如刺其
本師欲治之空中有聲曰此乃換骨非常痛也隨遂以見
神事白于本師師視其頂骨如五峰秀出矣乃云汝相吉
祥當有所證神令汝南者少林達磨心汝師也師乃受教
即往
墮蔽魔王領諸眷屬一千年隨金剛齊菩薩覓起趣不得
忽因一日得見乃問云汝當於何住我一千年隨諸眷屬
覓汝起趣不得齊云我不依有住而住不依無住而住如
是而住

法眼舉云墮蔽魔王不見金剛齊即至矣只如金剛齊
還見障蔽魔王麼 徑山果云說見起趣不得一千
年隨從底是甚麼金剛齊云我不依有住而住不依無
住而住互相熟禪法眼恁麼說別也是看孔穿探只今
莫有知妙喜起處麼 寐語作麼

南陽忠國師因西天六耳三藏到京云得他心通願宗帝
命師試驗三藏纔見師乃禮拜立于右前問汝得他心通
耶云不敢師云汝道老僧即今在甚麼處云和尚是一國
之師何得去西川看競渡船師良久再問汝道老僧即今
在甚麼處云和尚是一國之師何得向天津橋上看弄獅
獅師第三問三藏良久問知去處師以云這寫來請他心
通在甚麼處三藏無對

趙州云在三藏量乳上後僧問玄沙說三量乳上為甚
不見沙云只為太近 仰山云兩度是涉境心後入
自受用三昧所以不見 玄沙云汝這前兩度還見麼
雪竇顯云敗也敗也 白雲端云國師若在二藏量乳
上有甚麼難見殊不知在三藏眼睛裏 二堂覺云三
藏不見國師即且置你道國師自知落處麼若謂自知
則自為崙花諸天供養未有休日且道正當恁麼時落
在甚麼處

西堂藏禪師曾燒殺一僧一日現身索命師云你還死也
無對云死也師云你既死覓命者是誰便乃不見一本作
命隱
南泉願禪師因到莊中偶莊主預備迎奉師云老僧居常
出入不與他知何宿排辦至於如是王云昨夜土地神報

師云王老師修行無力被鬼神覷見侍者便問既是大善
知識為甚麼却被鬼神覷見師云土地前更下一分飯著

玄覺云甚麼處是土地前更下一分飯 雲居錫云是

賞伊罰伊只如土地前見是南泉不是南泉 達觀頌

云南泉被這僧一問不免向鬼窟裏作活計 天童覺

云長蘆則不然若見這莊主恁麼道便與捉住云放你

不得何文如此不見道來說是非者何是是非人 別

望印云盡道南泉被鬼神覷破不是好手殊不知王老

師當面做賊金山今日新請都莊萬一山僧到莊寫一

不得鬼話

靈官會下有一土主僧見一鬼使來追僧云某日身充主
事未幾修行乞空七日得不使云待我曰王若許七日後

來不然須臾便下言訖不見七日復來不見其僧了六三得
後有僧問一僧云忽然不見者時作麼生抵礙他其僧云
對 洞山云被他覓得也

嵩嶽三禪師為僧神受戒已見戒神云佛亦使相護法師
宣讀法華經即願隨意垂誨師不得已而言曰東嶽寺之障
莽然無術此地有之而皆非屏擁汝能移之障於東嶽乎
神云已聞命矣然昏夜間必有喧動願師無惑言竟而去
其夕果有暴風吼雷棟宇搖蕩師謂衆去無怖神與我笑
矣詰旦如審則此巖松枯蓋移東嶽矣

聖樂運禪師因遊天台逢一僧與之言笑如舊相識熟視
之目光射人乃借行屬洞水暴漲乃捨笠植杖而止其僧
率師曰渡師云三要渡自渡彼即寒衣躡波若履平地乃

廻顧云疾來渡來師云咄這言了漢吾早知當可渡歷其
僧數云真大乘法焉我所不及言訖不見

子湖殿禪師因山下有陶家為無子夫妻每日焚香發願
求一男子師遂往其家乞竹先問是汝夫妻每日起心發
願發作箇甚麼事陶云幼緣家內無子願求一男師云我
就你乞一種物還得不云和尚要甚物但乞指揮師云不
要別物欲乞一擔竹與汝一箇男子其家忻喜云此是少
事一任斫去師入斫六竹近一千年陶云和尚只討一擔
何斫許多師云只此一擔尚未足在遂將六竹長者捻數
竿破相接作一束將歸其家當夜感夢生得男子因此遂
號師神力

昔有一官人作無鬼論中夜搖毫忽見一鬼現身斫手云

汝道無我靈官人無對

五祖演代但以手作壽鳩背云谷谷孤 尚堂靜云秀
才雖知無鬼而不知鬼之所以無五祖先師雖知鬼之
所以無而不能掃滅滅跡若是大隋即不然待他斫手
道你坐案我何只向道關直饒是大力鬼王也須頭破
作七分如阿黎樹夜且道是那箇隔字

道楷禪師於三峰山結茅而居常有野人服色素朴言談
詭異於言笑外化作佛形及菩薩羅漢天僊等形或放神
光或呈聲響師之學徒觀之皆不能測如此涉十年後寂
無形影師告衆云野人作多色伎倆眩惑於人只消老僧
不見不聞伊伎倆有窮吾不見不聞無盡
破竈隨禪師因高山塢有廟甚靈殿中唯安一竈遠近不

較祭祀師以秋獻竈三下云咄此竈只是泥瓦合成聖從
何來靈從何起無麻草空物命又打三下竈乃傾破墮落
須更有青衣我冠設拜云我本此廟竈神又受業報今蒙
禪師說無生法得脫此處生天特來致謝師云是汝本有
之性非吾強言神再拜而沒後有僧問師某甲侍左右
未蒙方便竈神得何宗旨便乃生天師云我只向伊道是
泥瓦合成別也無道理為伊僧住心師云會麼云不會師
云本有之性為甚麼不會僧作禮師云隨也隨也破也破
也後有僧舉以安國師國師莫云云云子會盡物我一如可
謂如明月懸空無不見者難辨但語朕僧人低頭叉手而
問未審甚麼人持他語朕安云不知者
佛眼遠頌云禍福威嚴不自靈殘盃冷多事何人一從

去後無消息野老猶敲祭鼓聲又云春寒料峭凍殺年
少勿忌參商別無奇妙低頭侍奉歡喜問訊佛云商量
傷子性命佛燈明云倚竈惟靈不是靈靈從斷處一
堆塵野老不來敲祭鼓因曰打卦別是春
龜洋了禪師瘞于正堂後為山泉淹沒門人發塔見師全
身水中而浮闍王聞之遣使昇入府庭供養忽與氣透聞
王焚香祝之曰可遷龜洋清遊建塔言說異者皆靈
仰山寂禪師一日忽見異僧乘虛而至作禮而立於前師
問近離甚處二直長離西天師云何大邊生云遊山玩水
師云神通妙用則不無闍黎佛法須還老僧僧云特來東
土禮文殊却遇小釋迦遂出西天具多業與師作禮美雲
騰空而去

東林總云諸方商量如麻似粟盡道這碧眼胡兒來無
蹤去無跡直是光前絕後若不是仰山也難為縱奪諸
禪德殊不知這碧眼胡兒騰空而來騰空而去一生只
在虛空裏作活計有甚麼光前絕後大小仰山被他將
兩杓惡水爲道流了也當時集靈峰下自有正令何不
施行大衆且道作麼生是正令也 圓悟勤云驅耕夫
之牛奪飢人之食是從上來瓜牙這羅漢真許多神通
妙月到仰山面前直得目瞪口呆何故鶴有九皋難翥
翼鳥無千里護追風 湛堂准云諸禪德可惜仰山放
過這漢當時若是寶峰便與擒住須教維那信望前撞
鐘集衆責狀趕出况佛法不當人情伊既惡羅漢我生
已盡梵行已立爲甚麼不歸家穩坐只管遊山玩水參

南華鳥頌云志離西竺路迢迢親向支那弄海潮若要
清風生閩外搜來更與四藤條 疎山如云小程遊六
文殊閉名號任稱呼藤條在握不能開被他碧眼謾塗
糊

唐意真禪師因風穴問會昌沙汰將護法善神向甚麼處
去師云常在閩關中更且無人見穴云汝徹也

徑山杲云汝道風穴自徹也未

許玄度二世造塔觀塔

張文定公二世寫經觀經

覺禪師體編一榻見儒士門

泉大道入龍湫浴見林

唐文宗蛤蜊現像見帝王門

崇福以竹杖點病僧見病僧門

重雲因僧患白癩見病僧門

鄧隱峰飛錫觀

提婆從牕隙登樓見

嚴尊者付偈取船見舟楫門

因果

世尊因調達謗佛生身入地獄遂令阿難傳問你在地獄
中安不達云我雖在地獄如三禪天樂佛又令阿難傳問
你還求出不達云我待世尊來便出阿難云佛是三界大
師豈有入地獄分達云佛既無入地獄分我豈有出地獄
分

翠巖真云親言出親口 徑山杲云既無出分又無入

分喚甚麼作釋迦老子喚甚麼作提婆達多喚甚麼作

地獄還委悉麼自攜餅去沾村酒却著衫來作主人

湛堂準頌云好笑提婆達多久捺落十小劫波然得三

禪妙樂吹布毛須還鳥窠

世尊因靈山會上五百比丘得四禪定具五神通未得法

忍以宿命智通各各自見過去殺父害母及諸重罪於自
心內各各懷疑於甚深法不能證入於是文殊乘佛神力
遂手握利劍持逼如來世尊乃謂文殊曰任在不應作逆
勿得害吾吾必被害為善被害文殊師利爾從本已來無
有我人但以內心見有我人內心起時我必被害即名為
害於是五百比丘自悟本心如夢如幻於夢幻中無有我
人乃至能生所生父母於是五百比丘同讚歎云文殊大
智士深達法源底自手握利劍持逼如來身如劍佛亦爾
一相無有二無相無所生是中云何殺

禾山方云文殊老漢可謂拔楔抽釘直饒五百比丘齊
悟去也是同坑無異土參

十五祖迦那提婆尊者因梵摩淨德長者家園樹生大耳

如菌味甚美唯長者與第二子羅睺羅多取而食之取已
隨長自餘親屬皆不能見祖至其家長者問其故祖云汝
家昔曾供養一比丘然此比丘道眼未明以虛沾信施故
報為木菌唯汝與子精誠供養得以享之餘即否矣又問
長者年多少者云七十九祖乃說偈云入道不通理覆身
還信施汝年八十一其樹不生耳

十九祖鳩摩羅多尊者因闍夜多問我家父母素信三寶
而常縈疾瘵九所營作皆不如意而我隣家父為旃陀羅
行而身常勇健所作和合彼何幸而我何幸祖云何足疑
乎且善惡之報有三時焉九人但見仁天暴壽逆吉義凶
而便謂云因果虛罪福殊不知影響相隨毫釐差謬縱經
百千萬劫亦不磨滅時闍夜多聞已頓釋所疑

三祖璨大師為居士時謁二祖云弟子身纏風恙請和尚
懺罪祖云將罪來與汝懺士良久云覓罪了不可得祖云
我與汝懺罪竟宜依佛法僧住士云今見和尚已知是僧
未審何名佛法祖云是心是佛是心是法法佛無二僧寶
亦然士云今日始知罪性不在內不在外不在中間如其
心然佛法無二也祖深器之即為剃髮云是吾寶也宜名
僧璨執侍二載乃付達磨信衣正法眼藏說偈密囑護持
無令斷絕

琅琊覺云猶欠作云何梵在

佛國白頌云罪已無根性已空正生風趣不生風至今
山谷山前水一派清波入海中 無為子云潛溪水急
天柱峰高洞然明白不隔絲毫從來生計平如掌後世

兒孫弄海潮 佛鑑懃云三祖以罪懺罪一祖將錯就
錯一陣清風劈面來罪花業果俱凋落靈丹一粒有神
力差病不做驢馳藥 旻古佛云風恙纏身覓罪不得
九萬里程展摩霄翼 五祖演云無孔笛子擗拍板五
音六律皆普徧時人不識黃幡綽笑道儂家登寶殿
百丈海禪師每上堂有一老人常隨眾聽法眾退老人亦
退忽一日不退師遂問汝是何人老云諾某甲非人也於
過去迦葉佛時曾任此山因學人問大修行底人還落因
果也無某甲對云不落因果致五百生墮野狐身今請和
尚代一轉語貴脫野狐身遂問大修行底人還落因果也
無師云不昧因果老人於言下大悟作禮云某甲已脫野
狐身住在山後敢告和尚乞依亡僧事例師令維那白旋

告衆食後送亡僧衆議一表皆安何故如是食後師乃領衆至山後巖下以杖指出一死野狐乃依法火葬師至晚上堂巖前因緣黃葉便問古人錯祇對一轉語墮五百生野狐身轉轉不錯合作箇甚麼師云近前來與你道麼遂近前與師一掌師拍手笑云將爲胡鬚赤更有赤鬚胡馮山在會下作典座司馬頭陀巖前話問馮山乃據門扇三下司馬云不羸生馮云佛法不是這箇道理馮山又舉問你山仰云黃葉常用此機馮云天生得從人得你云亦是直受師承亦是自性宗通馮云如是如是天聖泰云二生六十劫

堪寧悅頌云萬丈芙蓉倚碧空人間有路不能通奈何一黑雲無礙舒卷縱橫疾似風 上方益云江北江南

問野狐只因不落有差殊馮門一踏頭雙扇那箇言兒是丈夫 百丈政云畫師畫地獄畫出百十般畫筆從頭看特地骨毛寒 無盡居士云化形來問大修行當下金篋刮眼睛賺得野狐成百丈夜來依舊野干鳴 徑山杲云不落不弄石頭土塊陌路相逢銀山粉碎拍手呵呵笑一場明州有箇憨皮袋

西堂藏禪師一日普請次垂語云大衆因果歷然三空何爭奈何時有僧出以手托地師云作甚麼僧云相救相救師云大衆這箇師僧猶較些子僧拋下鋤頭拂袖便走師云獅子身中蟲自食獅子肉

圓悟勤云西堂洞明綱要始終正令全提這僧吳穎中行其奈龍頭蛇尾敢問大衆因果歷然一句作麼生道

是則龍女頭成佛非則善星生墮

大珠海禪師僧問有人乘船船底刺殺螺蛸為人受罪為復船當云師云人船兩無心罪止在汝譬如狂風折樹損命無作者無受者世界之中無非眾生受苦處

古靈贊禪師問僧甚處來云城中亦師云遠知所生父母在地獄中受苦麼云某甲特來看師云你作麼生看僧云蒼天蒼天師喝云這裏甚麼所在要哭便哭云至孝父母在地獄中受苦師云你作麼生免得此難僧云二十午後有明眼人鑒此話在

佛鑑勳云雖然事無固必要且五味俱全古靈只知踏步向前不覺草鞋跟斷這僧移身退後兩翼風生雖然進退不同盡在金峰窠裏且道如何既要得出應須得

入既然得入須知有出畢竟如何巢知風穴知雨大
為智云諸仁者風不夾樹不動古靈祇知坐籌帷幄不
覺失却先鋒更乃輸却殿後這僧疋馬單鎗直入中軍
不顧危亡果然好手君子細看來彼此忘前失後

香巖閑禪師因僧問不慕諸聖不重已靈時如何師云萬
機休罷千聖不攜當時疎山在衆作嘔聲云是何言數師
問阿誰衆云師叔師云不諾山僧那山出衆云是師云師
叔莫道得麼山云道得師云試道看山云若教某甲道須
還師資禮始得師乃下座禮拜準前語問山云萬機休罷
由有物在千聖不攜亦從人得師云却請師叔道山云何
不道肯諾輒曰不得全師云肯又肯箇甚麼諾又諾阿誰
山云肯即肯他千聖諾即諾自己師云饒你與麼也須三

十年倒屣設使住山無柴燒近水無水喫分明記取後生
踈山果如師記至二十七年病愈自云香嚴師兄記我三
十年倒屣今少三年在每至食畢以手扶而吐之以應前
記山後問道憇長老肯重不得全作麼生會云全歸肯重
山云不得全又作麼生云箇中無肯路山云方慙病僧意
嵩山極禪師僧問如何是大修行底人師云捻鎗帶甲僧
又問如何是大作業底人師云修禪入定云某用淺機請
師直指師云爾問我善善不從惡爾問我惡惡不從善所
以道善惡如浮雲起滅俱無處僧於言下契悟

後破竈墮聞舉乃云此子會盡諸法無生

大隋真禪師上堂云今時沙門向因中辨果果重辨因始
得僧便問有一人不屬因果時如何師近前捉住云我今

時沙門向因中辨果果重辨因汝云一人不屬因果別道
別道僧無語師便打出

雲門偃禪師僧問殺父殺母佛前懺悔殺佛殺祖甚處懺
悔師云露

應庵善二云雲門露極如虎達磨師不見祖豈不見擔官
老須彌為椗虛空為鼓又不見禾山老解打鼓休弄箇
甜瓜徹蒂甜苦瓠連根苦喝一喝又拈云光孝著一轉
語不是老僧見處亦非垂手為人何故豈不見道空經
三寫為焉成馬

白雲端頌云幾土揚塵無避處將身直到御樓前回頭
不見來時路下是黃泉一是天 正覺說云石人沈星
曾天急旋機電卷一何遲雲門露字空然出著眼看時

鷄三飛 天童覺云露超宗越祖人言渠熟返魂香我

道伊搗塗毒鼓 東林顏云椎鑼搗鼓轉船頭席卷波

翻滅激流洗脚上船乘快便順風相送下揚州

雲居雁禪師因洞山問大闡提人殺父殺母出佛身血破

和合僧如是種種去養何在師云始能孝養自此洞山推

師為室中領袖

保福展禪師問僧你作甚麼業得與麼長云和尚短多少

師躡身作短勢僧云和尚美護人好師云却是你護我

光孝覺禪師人問某甲平生愛殺牛還有罪不師云無罪

云為甚麼無罪師云殺一箇還一箇

北院休禪師僧問大作業底人來師還接不師云不接云

為甚麼不接師云幸是好人家男女

風穴沼禪師因精進大師自西天來問云學人身三口四

請師懺悔師乃彈指一一云願罪消滅願罪消滅

五雲逢禪師一日因入普賢殿中宴坐倏有一神人跪膝

于前師問云汝其誰乎云護戒神也師云吾患有宿愆未

殊汝知之乎云師有何罪唯一小過耳師云何也云九折

鉢水亦施主物師每常拈棄非所宜也言訖而隱師言此

洗鉢水盡飲之積久因致脾胃疾十載方愈

九折退飲食及涕唾便利等並宜嗚指默念呪發施心

而便棄之

首山念禪師僧問殺父殺母佛前懺悔殺佛殺祖向甚麼

處懺悔師云水深一丈又僧問作何行業報得四恩三有

師云殺人放火云與麼則大作業底人也師云苦痛深

葉慈省禪師僧問殺父殺母佛前懺悔殺佛殺祖向甚麼
處懺悔師云長連城云不會意旨如何師云六靈堂文僧
問云何是六作業底人師云城外斬屠兒云不會此意如
何師云一斤秤不住

鎮境淨禪師僧問因普請鋤頭損傷蝦蟆蚯蚓還有罪也
無師云阿誰是下手者云恁麼即無罪過師云因果歷然
樓賢說三遍師有官人問某甲收金陵布陣殺人無數還有
罪也無師云老僧只管看

汾陽昭禪師僧問殺父殺母佛前懺悔殺佛殺祖向甚麼
處懺悔師云燈連挑夜月度盡幾多人云恁麼則水晶宮
裏觀明月師云映輝明寶燭光赫赫旌幢

覺慈照禪師僧問殺父殺母佛前懺悔殺佛殺祖向甚麼

處懺悔師云暗色未分人盡望及乎天曉也尋常

五天確禪師僧問衆罪如霜露慧日能消除此如何師云

高臺深夜雨樓閣靜時鐘云為甚麼因緣會遇得吳報還

自受師云管筆能書片舌解語

佛印元禪師僧問大修行人還入地獄也無師云在裏許

云大作業人還上天堂也無師云蝦蟆不出斗云恁麼則

鑊湯爐炭吹教滅劒樹刀山喝使摧師云自作自受

天衣懷禪師僧問大修行人還具因果也無師云只聞人

作鬼不見鶴成僊云古人又作麼生師云且識前註

金山慧禪師僧問大修行人還落因果也無師云鴛鴦入

水魚皆一死毒龍行處草不生

慈照聰禪師首山之嗣咸平中住襄州石門一日太守以

私意營學之暨歸眾僧遊於道首坐趨前隱訊云太守無
辜屈辱和向如此師以手指地云平地起骨堆其地隨指
湧一堆土太守聞之令人刻去復湧如初後太守竟全家
死於襄州

李都尉問達觀地獄觀牌

興教吐光鏡版

白水受記長生規相

報恩問詔僧吐光而終規相



沐浴

世尊因跋陀婆羅并其同伴丁六開士白佛言我等先於
威音王佛聞云出家於浴備時隨例入室忽悟水因既不
洗塵亦不洗體中間安然得無所有宿習無忘乃至今時
從佛出家令得無學彼佛名我跋陀婆羅妙觸宣明成佛
子住

雪竇顯云諸種德作廢生會他道妙禪宣明成佛子住
也須七穿八穴始得乃頌云了事納僧消一箇長連林

上展脚卧夢中曾說悟圓通香水洗來寫面唾 塗毒

策云洗塵觸體兩空寂妙證空圓超見思白壁無纖空

受至圓通會裏受塗糊

三靈贊禪師因歸受業一日本師洗浴命師指背師向本

師背一拊一下云好箇佛堂只是無佛本師恐云嗔這風狂漢得與麼無禮師云雖然無佛也解放光

西園藏禪師因自燒浴僧問和尚不使沙彌童子行何得自燒浴師拊堂三下

後僧舉似曹山山云一等是箇拍手拊掌就中西園可恠俱祇一指頭禪蓋為承當處不諦僧却問曹山西園

拊掌豈不是奴兒婢子邊事山云是僧云向上更有事也無山云有云如何是向上事山叱云這奴兒婢子

此語要便天童覺云識尊卑知貴賤西園是作家分

三石辨金鎗曹山不出世這僧雖解切瑳琢磨也祇向奴兒婢子邊裏到還知麼放曠淋漓兩不傷猶是夜明

簾外客

石梯禪師一日侍者請師入浴師云既不洗屋亦不洗地必作甚麼者云請和尚先去某甲將皂皂後來

佛鑑勸云石梯年老侍者年少雖然老少不同其奈頭腦相似

欽山家禪師一日到浴下見僧踏水車放却來問師云幸自轉轉地何須却恁麼僧云不恁麼又豈得師云若恁麼欽山眼在甚麼處云作麼生是和尚眼師以三作撥

眉勢僧云和尚又得與麼師云是是為我與麼使不得與麼僧無對師云索戰無功一場氣悶良久云會麼云不會

師云欽山為你擔取一半

佛鑑勸云是則轉轉底轉其奈車下無水何以得知你看欽山盡日澡浴渾身微乾

天蓋幽禪師因有一院名無垢淨光禪院化浴室有人問
既無垢淨光為甚麼却造浴室僧無言後請師代師云
三秋明月夜不是聘團圓

丹霞淳頌云雖然吞盡深深意奈投機句未親教會
本來無垢的更須入水見長人

玄沙隆禪師因上雪峰問訊次時太原學士座上浴墜云
我此間有箇老鼠今在浴下師云待與和尚勘過師到浴
下見乎打水師召云新到相看學士云已相見了也師云甚
麼劫中曾相見來學士云莫瞌睡師云一文謂雪峰云已勘
破了也峰云子作麼生勘師舉前話峰云汝著賊了也
雪竇顯別云這賊敗也 徑山杲云又勘破一箇

鏡清處禪師因普請鋤草次因浴頭來請師浴師不顧如

是三請師忽舉鋤作打勢浴頭便走師召云來來浴頭問
首師云向後遇作家分明舉似僧後舉似保福舉未了福
以手掩其僧口僧復舉似師師云饒伊與麼也未作家
趙州論禪師因南泉從浴室裏過見浴頭燒火泉云作甚
麼頭云燒浴泉云記取來喫水牯牛浴浴頭應諾至晚階
頭入方丈泉問作甚麼云請水牯牛去浴泉云將得繩索
來不頭無對師來問訊次泉舉似師師云某甲有語是使
問還將得繩索來麼師近前薰鼻便拽泉云是即是太虛
生

水庵二云泉中盡謂南泉落節殊不知趙州能是得信
宜爭奈遭人恠笑

天台智圓師問龍牙云天不能蓋地不能載時如何牙云

道者合如是凡經一七次問牙云若為汝說已後為我去
師後任天台漏玄峰因凍浴忽省前話遂具風儀焚香造
禮龍牙云當時若為我說今日決定罵他

徑山果云只今也不少

神鼎誦禪師僧問云七淨花浴此無垢人為甚麼不浴
師云清淨亦不立

石門聰禪師因浴出僧問三身中那身濕洗師云因

雪實顯輝師問僧你浴不他云某田此生不浴師云你不

浴圖箇甚麼云今日被和尚勘破師云賊不打貪兒家

雪實問僧甚麼來云浴來師云三身中那身浴云或鼓聲

或鼓聲後師云飽叢林

雪實本禪師因入浴室有僧問和尚是離垢底人為甚麼

却浴師云定水湛然滿浴此無垢人

大愚之禪師僧問既是清淨法身為甚麼却浴師云頭

出頭沒云為甚麼如此師云祇為如此

大道長禪師因往道吾訪慈明圓禪師其山有漱善龍所

誓墮紫繩波心雷雨連日過者不敢喘氣慈明真禪師秋

暑師從明衣云可同浴明掣肘徑去於是師解衣蓬入雲

靈隨三腥風吹兩杯木振盪明躡草中意師死矣須臾晴

靈師忽引頸出波間云因

資福明禪師僧問法身清淨報應無垢為甚麼香湯浴佛

師云今朝四月八云既無垢浴箇甚麼師云不沾入水

爭見長人云忽若撞著雲門老子又作麼生師二快便誰

逢便打

開禧三禪師莊為道人時於崇吳寺執法一日將還定偏
誦金剛經至於此章句能生信心以此三寶為心所念
垂足沸湯中發明已見

導布袂浴佛見前

德山浴出廁侍者過茶見前

此處有極淡之字
此處有極淡之字
此處有極淡之字
此處有極淡之字
此處有極淡之字
此處有極淡之字
此處有極淡之字
此處有極淡之字
此處有極淡之字
此處有極淡之字

偃息

阿那律在楞嚴會上白佛言我初出家常樂睡眠如來呵
我為畜生類我聞佛呵啼泣自責七日不眠失其雙目出
尊示我樂見照明金剛三昧我不因眼觀見十方精真洞
然如觀掌果如來印我成阿羅漢

丹竅然禪師一日於天津橋橫卧會留守鄭公出呵之不
起吏問其故師徐云無事僧留守異之奉束帛及衣兩襲
日給火麵

溪山枯禪師一日卧次見仰山來師乃轉面向壁卧仰云
某甲是和尚弟子不用形迹師作起勢你便出去師乃在
二寂子仰卧師云聽老僧說箇夢你低頭作聽勢師云為
我原看仰取一盤水一條手巾來師遂洗面了繞坐香巖

入來師云我適來與寂子作一上神通不同小小巖云某
已在下面了了得知師云子試道看巖乃點一椀茶來師
歎云二子神通智慧過於鷲子目連

佛鑑歎云夢中說夢深許瀉山妙用神通須還二子傳
茶度水羅古騰今年老心孤憐兒惜子向衲僧門下一

人在門外一人在門裏更有一人徧界不曾藏佛眼觀
不見 大滙智云瀉山老人幸自日午高眠何甲起來

夢中說夢又道二子神通過於鷲子怎麼說話檢點將
來正是破壞家門殊不知祇是兩箇三言底漢當時若

一棒一條痕通身日杲杲豈不快哉
南堂評頌云撥草瞻風孤峰獨宿鼓無絃琴唱無生曲

溪仙香巖鼎之三足臨機不費纖毫力任運分身千百

億 古德云取水烹茶不露機關當時原意豈善知時如斯

始為德陀家鷲子神通言及伊

想樹省禪師因道吾來相看值師臥次吾乃近前將被蓋

覆師問作麼言云蓋覆師云坐底長卧底長吾云不在兩

頭師云坐茶蓋覆何吾云莫亂道

圓悟勤云禪樹卧起道吾蓋覆一喝當頭掀翻路布

趙州說禪師作沙彌時到南泉直泉卧次師乃問訊泉云

汝從言處來師云湖南瑞像來泉云邊見瑞像麼師云瑞

像即不見目前見箇卧如來泉乃起身云你是有主沙彌

無主沙彌師云有主沙彌泉云作麼生是你主師近前云

孟春猶寒伏惟和尚尊體起居萬福自此依南泉法席

臨濟玄禪師一日在黃蘗僧堂裏睡黃蘗入來以拄杖於

不邊意三下師舉首見和尚却睡藥打席三下云一問見
 第一座坐禪藥乃云這座漢竟不知下問禮客坐禪汝只
 管睡睡座云這老和尚息風即藥打板頭一下便出去
 為山塞問仰止只云黃髮意作麼生仰云一彩兩賽
 松源岳云打睡坐禪坐禪打睡有利無利不離行而老
 黃藥太憨癡深耕淺種少人知

臨濟到襄州華嚴嚴僧若若作睡勢師云老和尚這睡作
 麼嚴云作家禮客死爾不同師云侍者煮茶來與和尚喫
 嚴乃喚維那云第三位安排這上座

臨濟待德山次山云今日困師云這老漢寐語作麼德山
脚履云微借一山便打師撒倒禪鉢
 聖寶顯云二真作者具啐啄同時眼有啐啄同時用雪

寶擬向血鷹鳥爪下奪肉鐵虎口裏爭食敢謂德山臨濟
 二俱瞎漢有人辨得天下橫行 雲峰悅云奇恠諸德
 看此二真作家一撥一捺畧露風規大似把手上高山
 雖然如是未免傍觀者咂且道誰是傍觀者喝一喝下
 座 徑山杲云雲峰老人恁麼批判大似普州人徑山
 若見縛作一束送在河裏何故不見道蚌鷓相持俱落
 漁人之手

雪峰存禪師一日晚參次却向中庭卧時太原學上座云
 五州管内祗有這和尚較此子師便起去

雪峰僧問如何是學人本分事師云秋夜與麼長為甚處
 曰晝晝睡

巖頭為禪師見疎山來遂洋洋而睡山近前而立師不顧

山拍繩林一師回顧云作甚麼山云和尚且瞌睡便出
去師呵呵大笑云三十年弄馬騎今日被驢撲

黃龍新云巖頭尋常水泄不通被踈山輕輕一撥直得
冰消瓦解

徑山誦禪師僧問掩息如灰時如何師云猶是時人功幹
云幹後如何師云耕人田不種云畢竟如何師云禾熟不
臨場

應庵華云鳳閣香沉雪巢夜冷半牕明月和氣寥寥正
恁麼時且道歸宗與徑山還有相見分也無見與不見
即且置祇如這僧問徑山還具眼麼肯或大然雲藏無
縫襖為宿不萌枝

雲南偈禪師於普請處謂衆云今日困有解語話忘置將

問來若不問向後鼻孔透天莫道我瞞你

黃龍心問僧你道當時合置得甚麼問免得雲南護云
僧擬問師以拂子劈口拂

雲南因普請歸三門下問僧因作甚麼面目云和尚合知
師云我即不知僧却問因作甚麼面目師拈拄杖云過長
即長過短即短云未審因與麼道和尚與麼道師云我也
知你親僧無對師代云爭知又代前語云老小黃白

鏡清念禪師問雪峰古人有言峇使倒卧良久起云問甚
麼師再問峰云虛生浪死漢

投子青頌云尋常愛客恨無來及至人來懶話厓空卧
早知眠不當盡勞紅燄落寒灰

投子青禪師在圓通秀禪師會中無所參問唯喏喏而已

執事白秀云堂中有僧日睡當行規法秀云是誰云義青
上座秀云不可行與坡過秀即曳杖入堂見師正睡乃擊
牀呵云我這裏無閑飯與上座喫了打眠師云和尚教其
甲何為秀云何不參禪去師云美食不中飽人與秀云爭
奈大有人不肯上座師云待肯堪作甚麼秀云上座曾見
其人來師云浮山秀云恠得恁麼頑賴遂握手笑歸方丈
侯福來禪師僧問孤峰獨宿時如何谷林下長伸兩脚眠
南泉見僧卧見庵

圓照喜寢觀附

忠國師睡次丹霞來訪觀附

無等面壁卧觀附

文嘉至曹溪留一宿觀附

幽棲歸方丈卧觀附

禪林類聚卷第十二

卷第十二

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----

110X
7
19